

『聖德太子傳曆』上 推古十年条

十年〈壬戌〉春正月。太子奏曰。興數萬征軍遣伐新羅。天皇然之。二月以來目皇子爲大將軍。領二萬五千衆。遣征新羅。夏四月。來目皇子。到筑紫。臥病不進。太子聞之。謂左右曰。新羅奴等厭魅將軍。疑不果度。冬十月。百濟僧觀勒來。仍貢曆本及天文。地理。遁甲。方術之書也。是時。選書生三四人。以俾學習於觀勒矣。大陽胡史祖王陳習曆法。大友村主高聰學天文。遁甲。山背臣日立學方術。皆學以成業。太子聞之。謂左右曰吾昔在衡山修行也。此僧爲吾弟子。在吾左右。常言七曜度數。山河利害之事。吾以小術。疾而去之。而猶追來。將之如何。宜取其生令習。潤（ママ）十月。高麗僧々隆。雲〈傍靈イ〉聰等來歸。太子謂二僧曰。汝來何晚。二僧謝曰。負物未賽。久後披拜。左右奇之。太子謂左右曰。此等昔日同德也。今追來耳。